



Դասընթաց՝ ՀԿ-ների կողմից ձեռնարկատիրական գործունեությամբ զբաղվելու նրբությունների վերաբերյալ

Շուրջ մեկ տարի է՝ հասարակական կազմակերպությունները հնարավորություն են ստացել զբաղվելու ձեռնարկատիրական գործունեությամբ: Սակայն օրենսդրական թերի կարգավորումների և խրթին դրույթների հետևանքով մի շարք ՀԿ-ներ խուսափում են օգտվել այս հնարավորությունից:

Օրենսդրական նոր պահանջների և ձեռնարկատիրական գործունեությամբ զբաղվելու հարցերի վերաբերյալ հունվարի 18-ին ՀԿ ներկայացուցիչների համար դասընթաց անցկացվեց Եվրամիության կողմից ֆինանսավորող «Կառուցողական երկխոսության հանձնառություն» ծրագրի շրջանակում: Դասընթացին մասնակցում էր շուրջ 20 ՀԿ ներկայացուցիչ, որոնց հիմնական մասը կանայք էին և երիտասարդ ակտիվիստներ:

Դասընթացավար, ծրագրի՝ Բիզնեսի և հարակից ոլորտների համակարգող, ՓՄՁ համագործակցության ասոցիացիայի գործադիր տնօրեն Հակոբ Ավագյանը ներկայացրեց, թե ինչ է սոցիալական ձեռնարկատիրությունը, հարկման ինչ ռեժիմ է գործում, ինչ խնդիրներ կարող են առաջանալ պրակտիկայում՝ կապված թե օրենսդրության, և թե այլ հարցերի հետ:

Նրա խոսքով, «Հասարակական կազմակերպությունների մասին» նոր օրենքի ընդունումից հետո բավականին խրթին է դարձել տարանջատելը, թե որ եկամուտներն են հարկվող և որոնք չհարկվող, եթե ՀԿ-ն սկսում է ձեռնարկատիրությամբ զբաղվել: Խնդրին նախնական լուծում է տրվել այսպես. ֆինանսների նախարարությունում ստեղծվել է հանձնաժողով, որին կարելի է դիմել, ներկայացնել համապատասխան փաստաթղթերը և ստանալ խորհրդատվություն այն մասին, թե կոնկրետ եկամուտների դեպքում հարկում կլինի, թե՛ ոչ:

Ինֆորմացիոն տեխնոլոգիաների ձեռնարկությունների միության ծրագրերի ղեկավար Աննա Կարապետյանը կարևորեց դասընթացից ստացած գիտելիքները. «*Ինձ համար հետաքրքիր էր այն հարցը, թե եթե ՀԿ-ն սկսում է ձեռնարկատիրությամբ զբաղվել, սակայն կանոնադրությամբ չի նշել դրա մասին, արդյո՞ք այդօրինի ձեռնարկատիրություն է համարվելու դա: Պարզվում է՝ ոչ: Եվ այդտեղ կարևոր է, որ իմանաս օրենքը և պաշտպանես իրավունքդ*»:

Դասընթացի մեկ այլ մասնակից, Հայաստանի երիտասարդ կանանց ասոցիացիայի նախագահ Լիլիթ Ասատրյանը մեծապես գնահատեց դասընթացի արդյունավետությունը և ստացած տեղեկատվությունը ձեռնարկատիրական գործունեության վերաբերյալ:



Դասընթացի ավարտից հետո Հակոբ Ավագյանն առանձին խորհրդատվություն տրամադրեց մասնակիցներին:

«Կառուցողական երկխոսության հանձնառություն» ծրագիրն իրականացվում է ԵՄ ֆինանսավորմամբ՝ «Իրավաբանների հայկական ասոցիացիա» ՀԿ-ի կողմից գործընկերներ «Ազորա Սենթրլ Յուրովի» ՀԿ-ի (Չեխիա), «Ժողովրդավարական կրթության հայկական կենտրոն-ՄԻՎԻՏՍՍ» ՀԿ-ի, «Մարդկային զարգացման միջազգային կենտրոն» ՀԿ-ի, «ՓՄՁ համագործակցության ասոցիացիա» ՀԿ-ի և «Հայաստանի համայնքների միություն» իրավաբանական անձանց միության հետ համագործակցությամբ:

Ծրագրի նպատակն է մեծացնել քաղաքացիական հասարակության կազմակերպությունների (ՔՀԿ) և դրանց կոալիցիաների/ցանցերի ազդեցությունը հանրային քաղաքականության մշակման գործընթացի վրա: Մա հնարավորություն կտա կազմակերպություններին (ովքեր արդեն իսկ աշխատում են թիրախային կոալիցիաներում) ձեռք բերել նոր ռեսուրսներ, քաղհասարակության փորձագետներին միավորել և խրախուսել իրենց մասնակցությունը տեղական և ազգային քաղաքականությունների օրակարգի ձևավորմանը, հատկորոշել ընդհանուր խնդիրներն ու առաջնահերթությունները և դիմել կառավարությանը՝ կառուցողական և ռազմավարական քաղաքականության վերաբերյալ նախաձեռնություններով:

Ծրագրի շրջանակներում ենթադրամաշնորհներ կտրամադրվեն ՔՀԿ-ներին և ՔՀԿ-ների կոալիցիաներին, որոնք կուղղվեն հանրային քաղաքականությունների զարգացմանն ու կունենան շոշափելի արդյունքներ 9 թիրախային ոլորտում, որոնցից են արդարադատությունը, կրթությունը և բիզնեսը:

Իրավաբանների հայկական ասոցիացիան (ԻՀԱ) ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունն իրագել է, իսկ նրա իրավունքները՝ պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

Աստղիկ Կարապետյան
Հանրային կապերի համակարգող

Հեռ.՝ 540199;
Ֆաքս՝ 580299;
Էլ. Հասցե՝ info@armla.am
Կայք՝ <http://www.armla.am>, <http://ccd.armla.am>



Ծրագիրը ֆինանսավորվում է Եվրոպական միության կողմից:

Հայաստանում Եվրոպական միության պատվիրակություն

Հեռախոս՝ +37410 54 64 94



Իրավաբանների հայկական ասոցիացիա

Հասցե Նալբանդյան 7, բն. 2 Երևան, Հայաստան, 0010

Հեռախոս՝ +37410 54 01 99



Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոու-հաուն, ռեսուրսներն ու ուղիները: 50 տարվա քնդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային զանազանությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ: